

Vice Presidente di BYD America Corporation na Aruba

Bus electrico, pa Aruba bira 1e nacion independiente di energia



ORANJESTAD -- Den un conferencia di prensa Micheal Austin, Vice Presidente di BYD America Corporation, a duna di conoce cu e compania internacional aki ta considera nan mes fortuna di por a contribui cu e prome bus electrico na Aruba, hunto cu Garage Cordia Aruba, ya cu e ta considera e gobierno di Aruba uno cu sigur ta tuma e medio ambiente den consideracion y ta pronostica cu Aruba lo evolucionar na bira e prome nacion cu lo ta independiente di energia. BYD America Corporation

ya caba tin 3 aña como partner oficial di Garage Cordia Aruba unda e relacion ta uno hopi exitoso ya cu tur dos compania a sali beneficoso den diferente proyectonan. Aunke e corporacion BYD a trece diferente modelo di autonan electronico unico riba nos isla Micheal, vice president di BYD, ta enfatisa cu un auto BYD como pertenencia ta un estilo di bida y no solamente un compra. E compania internacional tin un vision, cual e gobierno di Aruba a adopta, di ta consciente riba nos medio ambiente

como tambe yega na ta independiente di petroleo. E vice presidente a declara cu e ta asombra cu e gobernacion na Aruba debi cu e tin sosten di WEB, ELMAR cual tin e transmisionnan, como tambe e proyecto di Aeropuerto cual ta haci cu e tin tur e transito necesario pa Aruba por bira independiente di petroleo y yuda e medio ambiente den un vision cu ta integra na esun di e corporacion BYD America.

Recientemente, BYD a bira proveedor oficial di transporte electronico unda nan por asisti cu productonan manera bateria, panel nan solar, taxi electronico, autonan electronico y manera ya conoci e bus electronico cu Garage Cordia Aruba, como nan partner aki na Aruba, sigur lo yuda nan bende mas como tambe 'lease' esaki na e pueblo di Aruba.

E corporacion BYD ta desea di compromete nan mes cu e isla ya cu nan vision hunto cu un plan creativo sigur lo por trece bentaha grandi pa nos isla. Dañino Welonan, as-



sistent di gerente, a gradici Prome Minister, Mike Eman, como tambe Minister di Transportacion y Labor, Oma October, cu a colabora den e proyecto aki y fungi como un ehempel pa nos comunidad den trece e bus electrico como un stap mas pa mehora e bienestar di Aruba. Micheal a aña di cu ta imposibel pa

un grupo di persona chikito crea e estilo di bida aki cu un efecto maximo y ta aplaudi e gobierno di Aruba pa crea e ehempel aki den trece e bus electrico como transporte publico na Aruba cu sigur lo no ta e ultimo proyecto ehemplar bisto den e comunidad y cu sigur e corporacion BYD lo kier aporta cun'e. □

Special

